والفالقافة



المين العالم القصو الثقافية

محسن الخياط

# حكايات بهيية

محسن الخياط

أحد مطبوعات مؤتمر أدباء مصر الدورة الخامسة والعشرون ديسمبر 2010



#### الهيئة العامة لفصور الثفافة

رئيس مجلس الإدارة د. أحمد مجاهد أمين عام النشر سعد عبد الرحمن مديرإدارة النشر على على على على على على على على على الإشراف الفنى د. خالد سرور الإعداد والتنفيذ سرور الإعداد والتنفيذ سروران عبد العال

• حكايات بهيشة

• محسن الخياط

• الطبعة الأولى،

الهيئة العامة لقصور الثقافة القاهرة - 2010م

ه تصميم الفلاف:

فكرى يونس • الراجعة اللغوية: ممدوح المتولى محمد عامر فاضل

• رقم الإيداع، ١٨٧٨٨/ ٢٠١٠

الترقيم الدولى، ١-399-704-977-978

• الراسيلات:

باسم / مدير إدارة النشر على العنوان التالى ، 16 شارع أمين سامي - القصر العيني القاهرة - رقم بريدى 156

البريد الإلكتروني، clnashr@yahoo.com

التجهيزات والطباعة ،

شركة الأمل للطباعة والنشر ت: 23904096

حقوق النشر والطباعة محفوظة للهيئة العامة لقصور الثقافة.
 عحظر إعادة النشر أو النسخ أو الاقتباس بأية صورة إلا بإذن
 كتابى من الهيئة العامة لقصور الثقافة، أو بالإشارة إلى المعدر.

## حكايات بهيية

كنا في بيروت، وكانت وقتها الجبهة الوطنية متماسكة إلى حد كبير، تساند الفلسطينيين، وتبث الآمال في قيام دولة لبنانية علمانية تنفض عن كاهلها عبء الطائفية بكل ما جرته من حروب ومن تدخل. وشارك المثقفون المصريون المتواجدون على الساحة في دعم نضال الجبهة، ساعين إلى أن يكون لمصر صوت في المعركة. وعندما دعينا للمشاركة في إذاعة صوت لبنان العربي بصوت مصرى، فكرنا أنا والفنان عدلي فخرى وآخرون، في أن نقدم بعض بطولات الشعب المصرى، بأسلوب فني يجتذب إليه لا شعب مصر وحده بل الشعب العربي كله، فاخترنا (حكايات بهية) مدخلاً يحكى من خلال الراوى والأغنية بعض بطولات شعبنا العظيم.

وكم كنا سعداء، حينما اتسع نطاق تداول الحكايات من لبنان إلى عدد من البلاد العربية، وبعودتنا إلى مصر كنا تواقين إلى أن تجد الحكايات طريقها إلى الشعب؛ فاستعنّا بالتجمع الوطني التقدمي الوحدوى، الذى اكتفى بملء بعض الأشرطة لبعض مقاره. وشاءت الظروف أن نُدَعَى لتقديم حلقة سيد درويش، بمناسبة ذكراه بالمسرح المتجول. وقد لاقت حماساً فائقاً من جمهور الحاضرين. وفى المركز الثقافى لرعاية شباب العمال دعينا لتقديم بعض حلقات «بهية» لشباب العمال. وقدمنا حلقات «عبد الله النديم» و«عرابى» و «سيد درويش»، وتفاعل جمهور الحاضرين مع غناء عدلى فخرى وأخذ بسرعة مدهشة يردد معه الأغنيات.

وظلت حكايات «بهية» في مصر حبيسة الإطار الضيق الذي قدمت به الفكرة. وعرضت على بعض دور النشر الوطنية تولى مسئولية طبعها، ولكننى ترددت. حتى التقيت طاهر عبد الحكيم، صاحب دار الفكر للدراسات والنشر والتوزيع، ووجدت في داره متنفسًا لحكايات بهية، التي تتسق مع ما تقدمه الدار من فكر، إلى جانب أن صاحبها أحد الذين عاصروا ولادة بهية في بيروت، وأحبوها وتحمسوا لها.. فوضعت الحكايات بين يديه، وكلى ثقة بأننى وضعتها في أيد أمينة.. قادرة على تقديمها لشعبنا العزيز..

وحتى لحظة صدور الجزء الأول من الحكايات عن دار الفكر، فإننى ما زال يراودنى الحلم بأن تتحول فى القريب العاجل إلى شريط كاسيت يتداوله شباب مصر كوثيقة فنية تزكى فيهم روح الوطنية الصادقة وتؤكد لهم بطولات الشعب المصرى ومقاومته الطغاة والغزاة والمستبدين، هذه المقاومة التى لم تتوقف منذ فجر التاريخ. وما "حكايات بهية" سوى جزء يسير من تلك البطولات.

محسن الخياط

تمهيك

انا عارف
بإنّ اللى انكتب فيكى
يا دوب عنوان بطولاتك
يا دوب صفحه ف حكاياتك
ملايين السنين وانتى على الدفه
ومجدافك ضمير الناس
تفوت المركبه في النيل
تعبى كل موجه حماس
وترميها على الشطين
ياخدها العطشانين للنور
ملايين السنين وانتى
ملايين السنين وانتى

ويوم ما ننجرح تبقى الدوا للجرح ويوم الفرح تبقى انتى رايات الفرح لا يوم هزك نباح حاكم ولا همك عصا سلطان ويوم الشده تبقى قلعة المظلوم وجورة نار على الظالم أنا يا أمى . . مش ناسى بطولاتك وكل اللي رفع سيف المقاومه ف يوم أخد عنك أخد عن فلآحينك كلمة الثوره على اللي يمس يوم توبك سوا كان العدو من جوه أو بره ملايين السنين وانتي في صوتك، صوت فصيح القوم "بتضربنا" "وتاخد كل شيء منا" "وتحرمنا من الشكوى؟!" ما هنتي ف يوم ولا هنا وقلنا للفراعنه لأ وللإغريق، وللرومات،

وناصرنا المسيح وقت اضطهاد الدين ويوم رفع الصليب الغرب وخاض باسم الصليب الحرب كبر فينا صلاح الدين ويوم ما زمرة المماليك بقت خطوتها فينا خراب صبحنا حراب عرفنا إمتى حنقول آه وإمتى في الوشوش الضلمه راح نرفع سيوف الحق تاريخك سلسله ملضومه بالعصيان وبالثورات ومنها صغت انا الحكايات وانا عارف بإن اللي انكتب فيكي يا دوب عنوان بطولاتك يا دوب صفحه ف حكاياتك

### مفتتح

على الطريق مشينا والليل غريق مشينا وعلى الجراح مشينا وتهنا ياما تهنا يا مصر .. يا بهيه القهر .. نهر فينا القهر .. نهر فينا والليل يطول علينا نقصر الليالي بغنوه أو حكايه وف لحظة النهايه وف لحظة النهايه

حكايتك يا بهيه للأيام اللى رايحه والأيام اللى جايّه يا مصر ... يا بهيه

محمسد كريم

الراوى: ولا كل من لبس العبايه يزينها.. ولا كل من ركب الحصان خيّال.. وساعات يكون تحت العبايه عنتر.. وساعات يكون من تحتها دجّال.. حب الوطن مش قواله.. حب الوطن أفعال.. احديلنا يا حادى من دفترك موال.. كم من رجال ماتت.. لكنها عايشه في ضيّ أفعالها.. وكام رجال عايشه بينًا كما الأموات.

الشيخ محمد كريم.. كان حاكم اسكندريه .. وكان راعيها وحاميها، كان الفنار اللى قايد.. وكان علمها اللى بيرفرف على طوابيها.. جاله خبر إن أسطول الإنجليز راسى ف موانيها.. طلب النزول ع الشواطي.. وقاله يا شيخ كريم.. مالناش هنا من مقاصد.. غير إننا نحمى مصر.. من جيش فرنسا اللى آتى..صوت مصر فى قلب شيخنا

رفض. وقال دا مطلب محال. مصر العزيزه لها ناسها اللي تحميها. من أى عدوان يآتى. طلبوا مئونه وميّه. وقالوا ندفع تحمنها. دهب إذا الشيخ أراد. ورفضتى يا اسكندريه. رفضت يا شيخ كريّم. رفضت إنك تسلم. وفضت تدى للغريب الزاد. وقلت خير البلاد، للهلاد. لا عمره يطعم غريب ولا للغريب ينباع.

المغتى: وكبيره . . كبيره . . كبيره يا مصر

كبيره يا مصر بناسك

وأميره.. أميره.. أميره يا مصر

وقلوب الناس حراسك

وخطيره.. خطيره.. خطيره يا مصر

لو حد حبس أنفاسك

وكبيره . . كبيره . . كبيره يا مصر

أنفاسك نار

مع کل نهار

تولدنا كبار

و كبيره . . كبيره .. كبيره يا مصر

ترمى الأيام

في قلوبنا سهام

عينك ما تنام

وتطق شرار

وكبيره.. كبيره.. كبيره يا مصر لو شمسى تغيب لو قمرى يشيب ما تحبًى غريب يحمى لنا الدار

وكبيره.. كبيره.. كبيره يا مصر

> اللغنى: إكبر إكبر، إكبر موتك فوق الظلم ببعلا صوتك صوت الحق بينكبر خطًى الصعبه، تلاقى السهله سوًى الجسر تلاقى المعبر

الراوى: جيش الفرنساوى ما لقاش ولا حيله.. في اللي جرى في المذينة.. أخدوا كريّم رهينة.. وطالبوا بالديّه.. رفض المزعيم يسمع.. ورفض على ناسه لو فكّرت تدفع.. زرعوا الحراب في الزعيم.. ومات كريّم شهيد المعركه والحق.. لكنه عاش ما بين قلوب الناس.. مات الزعيم العظيم.. وصوته من فوق الحراب رافض.. لا لان ولا سلّم.. ولا رمى سلاحه.. قصاد فرنسا العتيّه، أيام ما كانت جيوشها كما الجراد زاحف.. ع الخّضره شرق وغرب.. ما خافش نار الحرب.. ما قالش كيف أعزل.. يقف قصاد المدافع.. كل الحرب.. ما قالش كيف أعزل.. يقف قصاد المدافع.. كل اللي كان في ضميره إنه يصونك يا مصر من سطوة الأجنبي.. إن شاء الله حتى غوت.. والكل واقف يدافع عن مصر.. بالنّبوت.

سليمان الحلبي

الراوى: الأصل مش مصرى لكن كنيته عربى . . وفي رواق الأزهر . .

كان الوطن واحد.. ما كنت تعرف مجاور مصرى من عنى .. الدم كان عربى.. والعلم كان عربى.. والدين كتاب الجهاد.. ولا عمر يوم الأزهر سمًى البلاد بالإسم.. الكل كانوا في الرواق اخوات.

الشاب إسمه سليمان. لكنه كان معروف في وسط رفاقه بالحلبي. عرف الإيمان الحق جوا الرواق. عرفه بحق وحقيق. وشافه ثوره وطريق. كبّر وغنى لبهيه.

المغدى: يا ام العيون السُّحر . . سحرك نادانى

عاشق رمتنى عيونك العربيه سلمتها أمرى الكربيه الشعر خيلى والكلام حنيه

ساعة ما صوت الهمس يندهلى أحس إنى وسط ناسى وأهلى الوش نيلى . . والقدود حلبيه وإيه يكون عمرى لو كانش يفدى عيونك العربيه

الراوى: كنتى ف حصاريا مصر .. جيش الفرنساوى قصادك بحر وزمرة المماليك فى ضهرك خنجر .. بونابرت ، يوم ساب البلد متخفى .. خلف كليبر وراه .. فى بحر عاصف ، ما سابش لحد قارب نجاه .. أسطول فرنسا فى خليج أبو قير .. أصبح حطام السنين .. يوم ما الغيلان قامت على بعضها .. والمعركه فى أصلها .. مين اللى يسبق ويخطف بهيه من أهلها ؟

يا شيخ يا شرقاوى . . يا مشيخة الازهر . . الثوره من فوق المدن بتكبر . . الأوله ثوره . . والتانيه ثوره . . والتالته خنجر في إيد سليمان . .

المعنى: جيت الرواق مشتاق

جيت الرواق مشتاق في الشام لقيتني ف مصر وف مصر شفت الشام والسهم لو صابك .. يصيبنا كلنا بسهام جيت الرواق مشتاق

لقیت غریب الخطاوی بتدب فوق أرضك وحراب فرنساوی مشدوده فوق قلبك مشدوده فوق قلبك قلبی انکسر قلبی فی جنبی انکسر وشفت فی الخنجر السم.. والتریاق

الراوى: الحلبى ماشى فى الرواق تايه.. الحلبى من بين الرفاق الحتفى.. فين تهت يا حلبى؟.. انشقت الميادين بلعت خطاوى الشاب؟.. الشاب ضاق به الرواق؟ الشاب قام سافر؟! والأ الحكايه إيه؟؟!

قالوا كليبر كان بيتمشى في جنينة القصر . . لمح قصاده صبى . . بيشحت اللقمه من الأجنبي . .


المبيى: لله.. يا ناهبين خير العباد.. لله..

- وقام كليبر مد إيده بقرش.

الصبى: لله .. يا ناهبين خير العباد .. لله ..

- لع السلاح الابيض في شمس الأصيل . نزل انغرز في القلب . قالوا كليبر موته شحات . قال القلب . قالوا كليبر موته شحات . قال الرفاق عربي . . الإسم شحات واسمه في الرواق حلبي . . في خنجرك يا حلبي قوة جيش . . وقابلت لحظة موت لم شافها يوم مخلوق . . قالوا يموت ع الخازوق . . ما طرف

لعينك رمش. ولمعت من بين الغمام كالبروق. والكل قالوا سليمان. ضحى بحياته عشان مصر العروبه تعيش. الحمله شالت عزالها بعدها بأيام. وعشان بهيه. بيحلو ف عينينا الموت. وتتكسر على صدور الرجال السهام.



### الراوى: كانت الفوضى فرس جامح بيرمح في المدينه. .

والسكينه.. فى قلوب الخلق تصطادها الرياح.. نهب.. سرقه.. قـتل.. والأجـساد لـيلاتى تـتـصـلب عـلى بـاب زويله.. فوق حيطان القلعه فوق سارية علم.. والشوارع كل يوم تغسل ترابها بنهر دم..

الظلام مرفوع على راس المدينه سيف. والحراب متصوبه على كل قلب . كانت المحروسه تعرق . تشقى . وتسف التراب . والعرق من غير حساب . يجرى فضه فى قصور الملوكيه وانكشاريه وعساكر أرناؤود . .

كان إبراهيم ومراد من المماليك. . وكل واحد له جنود واتباع . . وقصور وأرض ومتاع . . ووالى تركى بيلم للسلطان رغيف الجياع . . لكن في وسط المظالم . . وف قلب

ليل الضياع.. من صلب مصر اتولد شيخنا عمر مكرم.. أخذ في حضنه الرعية.. ورفع رايات الشعب. ومشى الطريق الصعب.

النهب راكب فوق حصان رهوان. النهب رافع سيف. القتل للمنهوب والسطوه للحاكم وللجلاد. ويوم ما هاجم جيش فرنسا البلاد. فر ابراهيم ومراد. وسابوا شعبك يا مصر. بلا سلاح يحميه. وقمت يا شعب مصر. على هدير الطبول والزمور. بالعُصْى والنبابيت. والبيرق النبوى في إدين عمر مكرم.

المعنى: يا ثورة الفقرا . . يا صرخة المساكين قومى قوليلهم إحنا نبقى مين؟

إحنا ف ساعات الجد ننسى الشقا والبرد ننسى النهار الصهد ننسى النا.. من غير عشا بايتين يا ثورة الفقرا..

> إحنا العرق في الغيط إحنا صحاب البيت لو حتى بالنبابيت

نحمى الوطن.. لو حتى مش لاقيين يا ثورة الفقرا..

الراوى: تلات سنين فاتوا.. ومصر رافعه راية العصيان.. وكان عمر مكرم وسط الجموع الشموع.. بإديه بيبنى الحصون.. ويقيم معامل للرصاص والبارود.. وبيزرع المتاريس.. شاف الفرنسيس كيف يكون الشعب ساعة المقاومه.. ما يلقه حبل الخداع.. ولا يرضى لحظة مساومه.

خرجت فرنسا من حصارها ف مصر.. بعد اتفاق بينها وبين الانجليز.. والوالى فى اسطنبول.. الحكم يفضل تحت تاج عثمانلى.. وفرنسا وانجلترا تفتح طريقها لمصر.. بعصاية السلطان.. ويصدر الفرمان.. والى وراه والى.. لين ما يمسك خورشيد الصولجان.. وتطلّ من بين الشقوق السيوف.. وسواقط المماليك.. والأرنب المذعور يرجع فى إيده سيف وراكب حصان.. وتعود لمصر الليالى الضجر.. والرعب يرمى ظلاله ع البيوت والشجر..

الراوى: وتصيرى يا مصر ساحة ملاكمه.. وكان محمد على قاعد بيتفرّج. ، جه ويّا جيش الترك واتسمّر ف أرض النيل.. شاف العراك واخد مداه.. وهوّا واقف وراه.. بيطاطى راسه للزعيم والشعب.. واتعاهد إنه لو وصل للعرش.. حيفص كل المظالم.. ويسوس أمور الرعيه بالعدل والإنصاف.. ومشورة الزعما وأولهم عمر مكرم.. واتعاهد إنه يخلص

مصر م البرديسى وشروره.. ويوقف السلب اللي خلا الناس نست شكل الفلوس.. لاجلن ما يرفع عن كتافها الكابوس..

المغنى: إيه راح تاخد من تفليسى إيه راح تاخد يا برديسى

من تفلیسی

عرقى . . مرقى أخدته ف جيبك ولجواسيسك . . ولمحاسيبك لم خليت ولا خرده في كيسى

یا بردیسی

عمر ما كان لك دين ولا مله خدت الغَنَمه وخدت الغله حتى ما هانش تفوتلى سريسى

یا بردیسی

عمر ما كانت مصر تهمك ولا كان دم المصرى ف دمك همك تسرق نور فوانيسى

یا بردیسی

الراوى: قاموا المشايخ على راسهم عمر مكرم. واتحاوطوا بالقلعه. والشعب كله من وراهم جيش. وطووا البساط ونزل علم خورشيد. وطلع محمد على ع العرش باسم الشعب. وبدال ما يبقى الحد ما بين الظلام والنور. الباشا فك العهد وهد مشورة الزعما. وأخد بإيده الحكم والكلمه. ومصر وقفت ضحية. وبقت وسية لأسرة القوكى. ورفض عمر مكرم دعاوى الوالى للقلعه. إلا إذا صان الوعود والعهد.

وقامت الناس بالنبابيت والخناجر.. والهتاف شق الحناجر.. والباشا رغم الهيبه والسلطان.. كان قلبه يرعش من دبيب النمل.. دبر كتيبه وكوكبة فرسان.. وفي يدّها فرمان.. ينفى عمر مكرم على دمياط.. وهبّت المخاليق.. سدوا عليها الطريق.. والقتل شق السكك يحصد رقاب الخلق.. سقط القناع وبانت سحنة الباشا الحقيقي.. بدون زيف أو خداع،

الراوى: ومات عمر مكرم كما يموت الفقير .. وعاش لنا صوته .. بيقول ما يكبر كبير ولا يعلَى يوم ع الشعب .. ولا حد يقدر يطير .. من غير ما روح الشعب .. تنبّت الجناحين .

## حملة فرير

## الراوى: لما التاريخ يقول . . تهدا النفوس وتكبر . . وتدوس

الكدب الاصفر .. وتزيح عنها الكابوس .. ونفوسنا لما تكبر .. وتصحى ع الحقيقه .. ما حد يشتريها .. ولو بمال قارون .. نكون أو لا نكون .. طول عمرها القضيه .. قولتيها يا بهيه .. فى كل قولتيها يا بهيه .. بدال المره ميّه .. قولتيها يا بهيه .. فى كل غزوه جايه .. فى غزوه سكسونيه .. وغزوه صهيونيه .. الوالى خالى البال .. اتغدى بالماليك فى ساحة القلعه .. واتعشى بالزعما .. ونفى عمر مكرم على دمياط .. وقال الراوى ما قاله من الحكايات ..

المغنى: تبدّى له النقيب مكرم وقاله يا فتى إعلم بأن المصرى حيحطم

### قيوده اللي اتربط بيها

مزارع جوها دافی وطولها وعرضها وافی ولیه یمشی ابنها حافی یمد الإید ویطویها ولیه ولیه القاضی والوالی یجیبهم بابنا العالی ولیه ما یکونش طوالی حاکمها من أهالیها (۱)

الراوى: الوالى كان من زمرة الأتراك.. مواله مش عربى.. ولا عمره خط الكلمه بالعربى.. الوالى كان خيال زمانه.. جاله الخبر من رشيد مواله خانه.. وصولجان الولايه بين إيديه اتهز.. الانجليز ع الشط.. حملة فريزر جايّه قاصده مصر.. والرعب كالخفافيش في سقف القصر.. قال يا خبر يا شوم.. رض النجوم فلكى.. قاله خطاوى هموم لازم تخطيها.. كان الخبر حفره وقع الولاه فيها.. يقدر على المماليك.. يقدر على الزعما.. يقدر على الشعب بالكرباج وحد السيف.. لكن يحارب الانجليز إزاى؟.. وتضيع بهيه الوسيّه؟.. وقال ما فيش قصادى غير طريق واحد.. نقعد ونتفاهم!!..

المغنى: وادلى يا رشيدى

على وش الميه هات إيدك تاخد بايدى دى الموجه قويه واهى خطوه يا رشيدى ونعدى الميه. . ونعدى الموجب عاش فى القصر لكن فى قلب الرشايده كانت مصر لكن فى قلب الرشايده عاشت مصر لكن فى قلب الرشايده عاشت مصر

الراوى: قامت رشيد كلها.. ما حد يوم دلّها على الطريق.. تحضن تراب أرضها.. وتشد إيد الغريق.. والوالى فى القصر والنرجيلة قدامه.. بيساوى قطنيته ويشد ف حزامه.. جاله اخبر من بعيد.. إن الولاد والصبايا.. إن اليتامى الولايا.. على طول حوارى رشيد هما اللى طفّوا الحريق.. واهي السنين يا مصر.. بتسابق السنين.. كام من ولاه ولّوا.. كام من ولاه ولوا.. كام من ولاه التاريخ داسهم بلا رحمه.. وعاش أهالى رشيد.. وعشت يا شعب مصر.. وعشت يا شعب مصر..

<sup>(</sup>١) هذه الأبيات استعارها المؤلف من بيرم التونسى من ملحمة الأسرة العلوية ، التي أرغم على كتابتها في الأربعينيات ، لكنه كتبها بذكاء الفنان ابن الشعب .

# عبد الرحمن الجبرتي

الراوى: كتير من بيمسك دوايه وقلم.. كتير من بيكتب حكايات الشعوب والأم.. لكن قليل اللي عاش الحياه الصدق.. وقليل قليل اللي شاف.. وعاش يكتب تاريخ عصره في نفس العصر.. بدون ما يخشى سيف باطش.. بدون ما يزوق الحكايات عشان ترضى كبير القوم.. ويتعلق في صدره وسام.. وكتير كتير الكلام.. لكن قليله اللي بيعمر مع الأيام.. لحظة يقول التاريخ.. من غير ما يبقى خيوط ومسرح دُمى.. ياما قلام اترمت على صدر مولاها.. واتحطمت على صخرة الكلمه.. التاريخ.. النور.

\*\*\*

مين اللى حقه النهارده يقوم ويتكلم؟ . . ويحكى سيرة بهيه؟ مش انت يا شيخ جبرتى . . مين اللى يقدر يشق

بسيفه قلب الظلام.. ويعيد شباب الحقيقه.. ويخلى شمس الكلام.. تطلع تدفّى القلوب؟ مش انت يا شيخ جبرتى.. ما هى نفسها الأيام.. بتعود وترمى ظلها لقدّام.. وهوا نفس الأغا.. والباشا.. والمملوك.. وهمّا همّا اللوك.. ويا دوب قدرنا نفك عقدة عجزنا بالغُنا.. وبكلمه متغومه.. عمّاله تتحسس طريقها ف أرض ملغومه.. ونقول.. واهُو برضه الكلام والقول.. بياخد قطره من بحرك.. عشان يشفى غليل الناس..

اللغعى: الله . . يا ليل . . الله

قالوا الكلام ما احلاه قلت الكلام أحلاه إللى لا مال.. ولا تاه قول يا جبرتى قول ياللى نسجت القول زى الحريرع النول وكان نسيجه حياه الله.. يا ليل.. الله ما خفت م التخويف ما خفت م التحريف وصنعة التزييف وصنعة التزييف

الله.. يا ليل.. الله

الراوى: حققت ما يعجز قصاده ألوف.. وكتبت صفحه من تاريخ شعبك.. بلا و جل أو خوف.. فيها العجيب والغريب م الترجمات والسير.. فيها عرفنا كيف وطننا عاش.. كيف شعبنا كابد.. كيف مات من الطاعون وسطوة الأوباش.. لكنه كان صامد.. فيها عرفنا كيف وقفنا ف يوم.. نردع الأجنبي.. صنف الفرنساوى.. ونصد زحف المعتدين.. بالشوم وبالسكاكين.. كيف كنا كالطوفان.. إذا إنسان رمانا بجرح..

المغمى: عودتنى ألقاك تطوى الهموم الليل عودتنى أسمعك فى الغنوه . . والمواويل هادى كما النسمات ،

رايق كموج النيل لكنك انت يا شعبى يوم يفيض الكيل الثوره تصحى ف عينيك ولاحد يقدر عليك ,

تقف في قلب العواصف . . كما شموخ النخيل

الراوى: كان الجبرتى لسان الصدق فى عصره... خلّى التاريخ الراوى: كان الجبرتى لسان الصدق فى عصره... خلّى التاريخ الأبكم.. يقول ولا يرحم.. يقول ما يعصى القول.. عرنى محمد على م الجبه والقفطان.. ووقّفه عربان قصاد الخلق.. يوم جمّع يوم شد حد السيف.. وحكّمه فى الرقاب.. يوم جمّع

الحاصيل ويتم فلاحين الأرض.. يوم خد بإيده ما أراد بالفرض.. ونفى عمر مكرم على دمياط.. لكنه ما قدرش على صوت الجبرتى الحرب.. كان الجبرتى شهرته سابقاه في وسط العُلَما شرق وغرب.. كيف ينتقم منك؟.. كيف يجبرك تنسى الورق والقلم؟..

شاف حبك الطاغى لولدك خليل.. رمى عليه حفنه من الصعاليك.. هاجموه فى عز الليل.. وحمّلوه م الجراح.. كل اللي كان فى شرع سيدهم مُباح.. وشالوه إليك فوق الإدين مصلوب.. فاضت دموعك زى موج النيل.. فاضت دموع كالدما.. وطويت دموع كالدما.. صابت عينيك بالعُما.. وطويت كراريسك.. لا كتابه.. لا قرايه.. وهجرت سن القلم والدوايه..

وراح محمد على . . وطوى التاريخ صفحات . . وعاش تاريخ الجبرتي . . عاش الكلام الشموس يطوف بالبلاد . . بأروع الكلمات . . اللي انت سطرتها على ضفاف النيل .

## رفاعة الطهطاوي

الراوى: شعوب بلا معرفه كما قلب من غير نبض. كما أرض من غير ميه من غير شمس. كما السحاب لو كان شحيح المطر. والمعرفه لو شقت السكه. تاخد بإيد الغريق وتفوّته م الخطر. المعرفه كتابه. المعرفه قرايه. وفكر بيسطّره سن القلم والدوايه. والمعرفه مرايه. فيها تشوف الشعوب بعضها. والمعرفه الشعوب بعضها. والمعرفه وتقول دا ليه انهزم. وتقول دا ليه انهزم. وتقول دا ليه انهزم. والمسلاح. نهب وهدّ. وظلم. والمعرفه بوصله بتهدى السفينه. وبيها نقدر نميّز صوت الرياح الأمينه. من الرياح الحزينه.

بالأمس. كان العلم للأمرا. ما يعرفه الفقرا ولا يشوفوله طريق. والحاكم الأخرس. يقدر يسوس بلده بالسيف وبالكرباج. أسرة محمد على عرفت بإن المعرفه كالسيف. وسيل بيجرف كل ظلم وزيف. عاشت تخاف المدرسه والعلم. من كتر ما عانت. من مشيخة الازهر. من سطوة العلما. ومن عمر مكرم. ومن الجبرتي الحق. وزي ما عاشت حواري مصر في الضلمه بلا فوانيس. عاشت بلا عريف. بلا كتاتيب. بلا كراريس.

#### \*\*\*

لكن محمد على.. عشان ما يفضل ما بينه وبين فرنسا جسور. بالغصب وافق على بعثه تروح لباريس.. واختار لها رفاعه.. صعيدى من طهطا.. خد علمه م الأزهر.. وخد النظام م الجيش.. وقالوا يصبح رفاعه، الإمام.. يحفظ أوامر الباشا، ويصون النظام.. وهناك فى دنيا باريس. صبح الإمام تلميذ.. يكتب، يألف، يترجم كل ما شافه حا يخدم مصر.. وينور الفوانيس.. رجع الإمام وف ذهنه شىء واحد.. إزاى حينقل مصر من درب الظلام والجهل. ويخطّى بيها لدرب المعرفه والنور.. وف مدرسة الالسن.. جمع بإيده الولاد.. من طول وعرض البلاد.. عشان بنور العلم يهدُوا الجموع.

وراح محمد على .. وجه وراه عباس. قالوله إن الإمام.. محمد على .. على حقوقها اللى ضايعه.. قام الخديوى الهمام.. قفل جميع المدارس بالضبه والترباس. ونفى الإمام ع السودان. قال العلام ممنوع.. ولا ترفعوش راسكو فى حضرة الأمرا.. الجهل للفقرا.. والسبخره للفقرا.

### المغنى: قوموا ارفعوا راسكم في حضرة الأمرا

العلم للفقرا ...

والحلم للفقرا..

الباشا قال ما . . فيش عيال

تكتب ولا تقرا

قوموا اكتبوا واقروا

وابنوا أمل بكره

العلم للفقرا.. والحلم للفقرا

\*\*\*

فى شرع مين.. الفلاحين تشقى ولا تدرى ولا عندهاش فكره ولا عندهاش فكره بكل.. ما يجرى العلم للفقرا.. والحلم للفقرا

\*\*\*

قالوا الكلام.. مش للعوام والكلمه للأمرا قلنا العلام للفعله .. والأجره العلم للفعرا.. والحلم للفقرا قوموا ارفعوا راسكم في حضرة الأمرا

الراوى: وتعيش يا طهطاوى . . خوجه لولاد مساكين . . فى حاره فى الخرطوم . . ويقوم سعيد ع العرش . . يرد باب اللى داخل . بالنور . . على كل جاهل . إزاى حيطهم ولاد الفلاخين العلم . . وازاى يسوقهم تانى بالكرباج إذا ما احتاج ؟ . . وعشتى يا مصر تحت مذلة السخره . . وحفر ولادك قناه بالموت بلا أجره . .

وبعده جه سماعين. وعشان ما تبقى مصر زى باريس بلاد النور. باع مصر والفدادين. باع مصر بالقرشين اللى بنى بهم قصور. وفات لمصر القبور. وحقد عمال بيحفر طريقه جوا الصدور. وجه رفاعه م السودان على مصر. وشاف وريث القصر عايز م العكلام صوره. تشهد بإنك يا مصر. بقيتى حته من باريس العصر. وقام رفاعه يبنى فى الكتاتيب . يبنى مدارس بعيده عن إدين القصر والأمرا. قامت بإيد الأهالى وملك للفقرا. وعاش يطوف بالبلاد. يختار بنفسه اللى يسقى العلم للأولاد. وزرع بإيده شرارة العلم والثوره.

المغنى: فضُوها حكايه وسيره مش عايز مصر أسيره أنا عايز مصر الحره مش عايز مصر الغربه مش عايز مصر أوروبا مش عايز مصر أوروبا ولا جايبه التوب من بره أنا عايز مصر صبيه وعايزها زى ما هيه آخد إيدها في إديه نبني حياتنا بحريه

الراوى: ويوم من جه بكره.. كان بين إيدين الولاد من الكتب ميّات.. بتقولهم بالحرف.. إزاى يقوموا ويخرجوا للنور.. إزاى ينظم حقهم دستور.. كيف يحكم الشعب كيف يكشف دعاوى الزور.. فينك يا طهطاوى.. وانت بترفع مصر بالكلمة.. وانت بتدّى مصر دم القلب.. وانت بتديها الوفا والحب.. فينك تشوفنا وف إيدينا الأمانه.. قاصدين نوصّلها لإيدين الشعب.

# جمال السين الأفغاني

الراوى: الشوره مالهاش وطن.. يوم ان يزلزل خطوها الزلزال.. يوم ان يفجر دمها البركان.. بتشد لبها أخلص الفرسان.. لا تعترف بمعاد.. ولا بتاريخ أو زمان.. وكتير كتير ثوار.. لم عرفوا للشوره وطن أو دار.. ولا يوم بنوا لها شاهق الأسوار.. ساعة ما شافوا الحياه الدمار.. بتهدد الإنسان في كل مكان.. قالوا وطننا يكون.. حيث يقدر الإنسان يحمل سلاح.. حيث يقدر الإنسان يحمل ملاح.. حيث يقدر الإنسان .. يعلا على صوت الجراح.. جيفارا شاف في كل ثوره وطن.. جيفارا مات في بوليفيا.. ودفع في وسط الغابات والجبال التمن.. وصوته عاش شاهد على عصره.. إن العدو واحد.. في كوبا.. في شيلي.. في أنجولا.. وفي الفيتنام.. قال عصرنا.. عصر الصراع ضد الغيلان.

وزى ما كان جيفارا.. صرخه وطلقة رصاص.. صوتك يا أفغانى.. كان الرياح اللى شالت للشرق صوت الخلاص.. وزى ما كان جيفارا.. رافع رايات الثوره ضد الأمريكان.. رفعت يا أفغانى راية الثوره ضد الإنجليز.. فى الهند.. فى السودان.. فى إيران.. وفى الأفغان.. وف مصر حطيت رحالك.. ولقيت صدى صوتك فى ثورة عرابى.. ولقيت فى مصر السلاح والرجال.. ترمى الكلام النبال.. يتهز عرش الانجليز والقصر.

المغنى: الفارس الطواف

فات من هنا وعدًى لمح قلوب قايده واقفه بتتحدى

وتقول عماريا مصر

الفارس الطواف يرمى الكلام ما يخاف ياكل رغيفه حاف

ويقول عماريا مصر

إيدك على الجداف الثوره فوق الاكتاف شايله علم رفراف

بيقول عماريا مصر

الرواى: الفلاحين فى الأرض قادوا كلمتك قناديل. وشافوك فى قلب السما. قمره فى عز الليل. إيدك بتسند عرابى. وعرابى عند الفلاحين النيل. والأرض. والقواديس. وفرحة الفوانيس فى إيد العيال.

المغنى: عجبى عليك يا خال

إيدك تنقط ماس والطين تشقه الفاس وانت يا دوب بالكاد تلقط زادك عجبى عليك يا خال تدى شقاك للناس تدى شقاك للناس إيه يجرا لو بالفاس تقوم .. تدق .. تشق راس جلادك تقوم .. تدق .. تشق راس جلادك

الواوى: الانجليز أغروك تمد ليهم يد.. تهجم على المهديه في السبودان.. وينصّبوك على شعبها سلطان.. قطعت إيد الانجليز من قبل ما تتمد.. ولمعت ساعة الجد.. زى السيف في ضي الشمس.. وبدرت حب الثوره في كل أرض.. طرح حماس في الناس.. شاف الاحتلال ان صوتك.. بيدُك باب القلاع المنيعه.. مدوا إيدين الخديعه.. ونَفُوك بعيد عن مصر.. من بعد ما حاصرت نيران الثوره باب القصر.

المغنى: بعيد وصوتك معانا عايش في أرض الكنانه

بیشد عزم الرجال
بعید وصوتك معاول
تنزل تدك السلاسل
تطلع تهز الجبال
بعید وصوتك بیارق
من فوق عیون البنادق
بتخطی بینا الحال

الراوى: وبعد طول المطاف.. وبعد ما شاه إيران.. حط ف إيديك السلاسل.. ولبّسك هلاهيل.. حودت يا طواف على استطنبول.. ورميت هناك الحمول.. مشوار طويل لم حد يقدر عليه.. وحمل لو شاله جبل ليميل.. تقصر سنين العمر لكن قصتك بتطول.. ينقلها جيل عن جيل.. تنفض عن الإسلام غبار السنين.. وتخلّصه من عمم.. عشش في شالها البوم.. وتقدمه للناس.. وكإنه ابن اليوم.. ثوره.. وطريق للخلاص.

## عبداللهالنديم

الراوى: ما كانش له فى الكلام المزوق. ولا كانش له فى الرجال الغناى. كانت حوارى اسكندريه كُتُابه. والحياه عريف. والناس أنين الناى . عاش فى البلد سواح. يقرا التاريخ فى الجراح. وفى البراح. وفى البراح. وفى البراح. وفى البراح. وفى البروقاق السد . وفى الحوارى الطين. وفى السنين الأنين. وف بؤس عيل هزيل حفيان يمد الإيدين. عاشر حياة القصور. وعاش حياة القبور. شاف الطريق الضلمه فى عيون الحوارى الذل. شافك يا نيل بتطل. على جنه حاميها حراميها. فيها القمر ماشى على الأشواك.

من قلب درب الصعلكه والهم.. من قعدة الحشاشين.. من رطنة الزجالين.. عرف النديم الحياه والقوافي.. والنكته

والمواويل.. عرف عزيز الخطاوى ليه نهارها ليل.. المعنى: فين الأمان يا مصر.. فين الأمان

يا امه الغريب دفيان وابن البلد عريان ميّت بلا أكفان

فين الأمان يا مصر

البحر موجه غريق والبر ما له صديق وتاه من الخاليق

ضل الطريق يا مصر

یا امه الطریق مسدود الماشی فیه بیعود واللی اتولد مفقود

ما لوش وجود يا مصر

الراوى: عرفت حياة النديم جميع الصنايع.. تاجر وافندى وصايع.. وعاش حياة الشريد.. شافك يا مصر ابتسامه مقتوله فوق الشفايف.. مدبوحه في كل عيد.. وف ساحة العتبه لمح النديم الطريق.. وف ركن قهوة ماتتيا مال الصديق ع الصديق.. صافحت ايديه البارودي، وسعد، والشيخ محمد، وشد على إيد عرابي.. وقاله مصر الغريقه يحس بيها الغريق.. سمع الكلام النور من الأفغاني: طول

ما الفساد في القصور ، والفلاحين في البيوت القبور . . والجهل ملو الصدور . . يبقى العلاج الوحيد . . الدم . . والثوره .

المغنى: أول ما نبدى نقول يا سلام أهديك يا مصرى ألف سلام عين الشعوب عمرها ما تنام وانت اللى فى الدنيا مناره

إيد المرابى خانقانى طالت هدومى.. ودكانى وجايه تاخد إيه تانى ما عادش فى الجيب ولا باره

الباشا عمال يداين بيبنى ف شوارع ومداين وقصور وحواليها جناين واحنا بنشحت في الحاره

یا مصری هات إیدی فی إیدك الصبر عمره ما حیفیدك یا مصری قوم كستر قیدك

### والفجر له ألف أماره

الراوى: كان النديم للثوره حاديها.. من دمّه يدّيها.. شجر النيران يخضر .. ويوم ما عود الثوره بإدين الخيانه انكسر.. وعرابى بإدين الخيانه اتنفى.. قام النديم واختفى.. تسع سنين اختفى.. ما كلّ يوم ولا ملّ.. ولا حس مره بضيق.. ولا مره تاه من بين قيدامُه الطريق.. وعاش فى سجنه الكبير .. للثوره أوفى صديق.

ويوم ما مات النديم . . في المنفى ، كان في وداعه . . رفيق كفاحه القديم . . تسلم يا أفغاني . . ما ضاعش صوتك هدر . . صوتك وصوت النديم في صوت رفيقكو ظهر . . ف عام ١٩ .

أحمد عرابي

الراوى: قبل الإدين الخفيه.. ما تحوّل البندقيه.. على التاريخ تنسفه.. تعالى نحكى لولادنا.. ونحكى لولاد ولادنا.. عشان ما تفضل بلدنا.. جدورها دايمًا عفيه.. متبته في الأرض.. قال المثل يا بهيه.. الله ما يبقى ميه.

من ميت سنه واكتر . العركه قامت ما بين القصر والعسكر . توفيق خديوى مصر . كان فوق حصان الانجليز بردعه . أمّر على العسكر . . ضابط بليد شركسى . . بيعض في ولادنا . . ويخاف إذا الفلاح لبس كاكى . . هوا التاريخ يتنسى ؟ .

عرابى كان فلاح . . عشق السلاح والأرض . . وعرف منين يا بهيه بتصيبنا نار الجراح . . وف يوم عرابى ما قام اتصدى للشركس . . ونطق بكلمة حق . . قلب الخديوى انشق . .

قبضوا على عرابى وخدوه على القلعه (١) .. والقلعه طول عمرها زنزانة الثوار.. ما فاتش ليل ونهار.. إلا وعساكر عرابى الفلاحين السمر.. بيحاصروا في القلعه.. ويخلصوا عرابى.

المغنى: حبسوا النهار في القلعه

الشعب قال الضيّ جيّ منين حبسوا النهار في القلعه الضيّ طلّ ونور الميادين حبسوا النهار في القلعه عبسوا النهار في القلعه عبسوا النهار طالع من الزنازين حبسوا النهار في القلعه الشعب قال مين اللي يقدر مين الشعب قال مين اللي يقدر مين يحبس شروق الشمس في القلعه؟

الراوى: وما فاتش ليل ونهار . إلا وميدان عابدين . . ينشق عن ألوفات . . وعرابى بينهم علم :

الخديوى: عرابى . . تركت ليه ثكنات . . وكتير كتير ضباط . . إيه اللي جابهم هنا؟

عرابى: أنا . . وباسم دول كلهم واقف وباتكلم . .

الخديوى: أفهم بإنك جيّ تتظلّم؟

عرابى: أنا جيّ رافع مطالب . . وباسم شعبى باطالب . . الشركسي

ينشال.. ومجلس الشورى يتولَّى بيوت المال.. ويدبر الأموال اللي تسد الدين.

التديوى: تبقوا كده مجانين . . !

عرابى: نبقى صحيح مجانين. لو سيبنا إيد الأجنبى تلعب . لو سيبنا إيد الأجنبى تنهبنا باسم الدين.

الخديوى: إسمع عرابى كلام.. نحن سليل باشاوات.. إنتو عبيد إحسانات.

عرابى: من إمتى كنا عبيد؟ وورثتنا عن مين؟ عن أهلك الجعانين؟ داحنا لولانا ما كنت انت ولا أهلك يساووا القرش. إسأل جدودك تدلّك. . جدك رفعناه بإيدنا وحطيناه ع العرش. وقلنا يا باشا اطلع. . واحنا اللى نقدر بكلمه. . نطوى بإدينا البساط. . ونقولك انزل . . فتنزل .

الراوى: دخل الخديوى اترمى على جزمة الأجنبى . . ورجع عرابى احتمى بالجيش وحضن الشعب .

المعنى: الله الله يا بدوى جاب اليسرى

قال الأديب الأدباتي طول ما الخديوى بيطاطي حيجيب عاليها في الواطي ويا ألف حسره على الأمرا

ضرب النديم تعظيم يا سلام

وقال ما فيش في الدنيا سلام غير لما تدور الايام وتبقى في إيدين الفقرا

بدر النديم في الليل أشعار زرعت في قلب الضلمه نهار طلع النهار طرحت ثوار بيحلموا بمصر الحره

عرابى .. والحق يمينه بيسن فى الليل سكاكينه ساكن فى قلب محبينه إحنا السما وهوا القمره الله الله يا بدوى جاب اليسرى

الراوى: عرابى هز الرعود فى كل عود أخضر.. وقال محال يا مصر.. مصر.. تطاطى يوم للقصر.. حلف اليمين ما تعيش مصر الأفنديه.. وعماريا مصر الفلاحين.

الانجليز والخديوى اتجمعوا ف صحبه.. شافوا ف عرابى الخطر.. كرباج أفندينا لم عاد يطول الولاد.. اتعاهدوا يتقاسموا البلاد والزاد.. والتبر بتراب الفلوس يتباع.. الكلمه للأجنبى.. والعرش فرش

التيوس. قول يا تاريخ ما تخافش. واجلى الصدى م النفوس. هوا عرابى انهزم؟؟.. عرابى يوم قابل جيوش المعتدى ف الوش. اتنطورت كالقش. وأكلها نار العناد.. اللى اتولد فى الولاد.. هزمت عرابى الخيانه.. هزمه الخداع والغش. فكرت يا عرابى يوم تردم قناة السويس. وتسد كل المداخل.. فى وش كل اللى داخل.. لكنهم خدعوك.. وأخدنا منك يا عرابى المدرس. إنك فى وقت الحرب ما تآمن لاخوك.

وادّورت الايام، والعرش أصبح حطام.. واسمك انت اللى باقى.. وصوتك انت اللى باقى.. بيحذرك يا بهيه.. لو فى السنين اللى جايّه.. ظل الخديوى يعود.. يدّارى فى الجلابيه.. صحى الولاد يا بهيه.. خلّى السنين اللى جايه.. تعبل.. وتولد عرابى.

<sup>(</sup>١) الحقيقة التاريخية أن عرابي ورفاقه قد حُملوا إلى تُكنات قصر النيل، وقد قصد المؤلف بالقلعة مجرد إسقاط على العصر الحالي.

### محمود سامي البارودي

### الراوى: لو كان في إيدى قلم لَعملت سنه سيف لو كان في إيدى سيف لَعملت حده قلم

اشحال بقى. . لو كنت باملك سيف وباملك قلم.

قلبت صفحة تاريخك. لقبت أمير البيان. ولقيت خبير البنادق. فنان في حفر الخنادق. البنادق. فنان في حفر الخنادق. خلصت شعر العرب من القوافي الذل. ونفضت عنه رطنة المماليك. طلعته م السراديب. وم الأكاذيب. رجّعت له توب الليالي الربيع. في فلسفات المعرى. وحكم أبو الطيب. وسلاسة البحترى، وكان من المكن يعيش لنا شاعر. ترفع به راسها مصر وتفاخر. وتقول كفايه البارودي. نقّى الدهب م التراب. خلّص قوافي الشعر م النرودي. ماسك

سيفين في الإيد.. الحدوالكلمه.. لو مد إيده للسما.. يقدر يصيد نجمه.. ويعيش حياة القصور.. وسيرة الباشاوات.. لكنه شاف في القصور العفن والركوع.. والجوع بيطفي شعاع الجموع الشموع.. وشعب عايش في الشقوق الطين.. شال عن كتافه الرتبه والنياشين.. ووقف مع عرابي في صف الشعب.

الغنى: ابن الأصول تعرفه فى ساعة الشده أوعى الصفيح يخدعك وتفكّره فضه

والناس معادن

ما تقولش اخويا . . وابن ابويا وامى أخوك صحيح . . اللي يقول أفديك بدمي

والناس معادن

يوم ما البارودى قام وشاف مصر الغريقه فات القصور وراح يدور ع الحقيقه

والناس معادن

يوم ما البارودى قام وشاف نار المعارك داس الرتب وشال سلاح وراح يحارب

والناس معادن

الراوى: مسك البارودى في يوم الوزاره.. وكان عرابي ناظر الحراوى: مسك البارودى في يوم الوزاره.. وكان عرابي ناظر الجهاديه.. قالوا بعلو الصوت.. نموت والا الأجنبي .. يبقى الحكم والمشوره.. ولا فيش مكان للأجنبي في الدار..

يومها الخديوى ثار.. ساعة ما شاف النار بقت أسوار محاوطه القصر.. وأصر يبقى فى الوزاره اتنين.. واحد فرنساوى.. والتانى سكسونى.. عشان يصونوا حقهم فى الدين.. ساعتها ثارت فى البارودى عزة المصرى.. وساب مكان الرياسه.. ومال على أحمد عرابى.. وقاله سيف السياسه.. تحميه سيوف المعركه والحرب.

المغنى: الأوله يا نار

والتانيه يا تار
والتالته ثوار
الأوله يا نار كونى السلاح والحد
والتانيه يا تار الصبر دا له حد
والتالته ثوار نرمى الجبل يتهدّ
الأوله يا نار كونى السلاح والحد بين الظلام والنور
والتانيه يا تار الصبر دا له حد يجيله يوم ويثور
والتالته ثوار نرمى الجبل يتهد يوم الرحى ما تدور
يا جرح طوف بالبلاد
عا جرح طول ما انت صاحى
يا جرح طول ما انت صاحى

الراوى: وفى يوم ما جيوش بريطانيا.. دخلت من باب الدار.. قام يومها محمود سامى.. مرّغ سمعة بريطانيا فى تراب كفر الدوار.. سجل يا تاريخ.. إن اللى بيرهب بالصواريخ.. سكان الأرض.. ما قدرش بجيشه وبالصواريخ يهزم فلاح من مصر.. ما قدرش بالمواجهه.. يصد زحف شعب.. لكنه بالخديوى.. والغش والخداع.. ضاع مننا اللى ضاع. إيه اللى كنت ف يوم بتحلم به.. يا بارودى.. بمصر مستقله.. بجمهوريه تنهى مذلة القصور.. ببرلمان وشعب.. يدافع عن حقوقه.. وان حد خان طريقه.. يقدر يقوم، يثور.. لايام كتيره جايّه.. وشعب مصر يقدر يتحمل الأسيه.. وشعب مصر يعرف.. إن اللى ضاع تجيبه.. وصاصة بندقيه.

## عبد العال حلمي (١)

#### الرواى: إديني إيدك أبوسها

إديني حفنه من ترابك أبوسها.

مين اللى يعشق بهيه ويصونها إلا فارسها . فرسانك المفتونين يدوكى لم يبخلوا . يدوا ولا يقبلوا يبقى لهواهم شريك . عايشه ف ناياتهم نغم . عايشه ف حياتهم صباح . ، لو حد مسك أو رماكى بهم . يلقى ناياتهم بنادق . . يلقى الرصاص في النغم .

الإسم عبد العال.. عاشق رماه الهوى بالغنوه والموال.. عرقك على جبينه.. والنيل شرايينه.. وعينيه عليكى ناس وسيف حراس.. واللى بيذكر فى تاريخك عرابى.. واللى بيكتب فى الدفاتر قصة الثورات.. يقف ويحنى الراس لعبد العال.

الراوى: عرابى كان القلب للثوره.. والفكر عبد العال.. يرمى عليه السؤال.. يفك حيرة السؤال.. وقالوا عبد العال.. دراع عرابى اليمين.. وكان دراعه الشمال.

الشركسى رفقى.. ناظر جهادية جناب الخديوى.. كان يكره المواويل.. ويكره كل من غنّت عيونه لمصر.. ويكره اللي رضع من ميّتك يا نيل. الشركسى رفقى.. أمر بنقل القائد المصرى من الآلاى للديوان.. كان الآلاى في طره.. من قبل ما تكون ليمان للفكر والأفكار.. وفيها عبد العال.. كان عالى كالنخله.. رايق كما الموال.. كان يزرع الكلمه بتضوع كما النجمه.. تهدى خطا الثور..

الراوى: توفيق خديوى مصر . . فكر بإن الرجال لقمه حيهضمها . . لكنه جاله الجواب . . السن بالسن والبادى يكون أظلم . .

خط الرجال مكتوب. بيحذره ويؤمره. إنّ الآلاى فى طره. باقى . وعبد العال. م المستحيل ينشال. ورفقى ناظر جهادية جناب الخديوى. مالوش مكان فى الجيش. وشعب مصر يعيش مُطاع وأمره مجاب . مافيش مكان للفرد . ولا حد ينطق كلمه باسم الشعب . غير مجلس النواب .

شد الخديوى الرجال . . على فهمى وعرابى وعبد العال . . من غير كلام أو سؤال . . وف سجن قصر النيل فتح الخديوى بيبان الحاكمه .

المغنى: خلوا الشوارع سجون واملوا الشوارع عيون كل المشانق ما تكتر الثوره لازم تكون سدوا الطريق ع النهار رشوا المسالك بنار من قلب ليل الحصار الثوره لازم تكون

خلوا الليالى الحزينه تملا حوارى المدينه طول ما احنا بكره ف إدينا الثوره لازم تكون

الراوى: على فهمى مال فى الركن متكوم،. مرسوم على صورته الأسى والهم . اتذكر الأحباب وأهله وناسه . واتصور الثوره وبحر الدم . وجنبه قاعد عرابى . كما فجر فوق الروابى . كما رواسى الجبال . وقصاده عبد العال . هادى كما النسمه فى فجر ربيع . لم قال ولا كلمه . ولا فارقته البسمه . قبل الخطاوى ما تاخده لحد باب السجن . هو اللى كان عارف . الخطوه رايحه لفين . ورفاقه مش فاهمين

على إيه بيتبسم. ولولاك يا عبد العال. ما انشقت الضلمه. ولا طل منها نهار. فات فى الآلاى كلمه. لو غبت عن ساعتين كل الرفاق عارفين. لخظتها تعمل إيه. وف لحظه كان جيشك يا عبد العال. واقف بيتحدى. أسوار سجون القصر. وانهارت القضبان، واتهد ليل الأسر. والشمس طلت فى سماكى يا مصر. وساعتها عرابى وفهمى. أخدوك بالحضن وفهموا. كنت بتتبسم ليه.

المغنى: يا مصر لسه اللي جي أكتر من اللي من اللي والمحر من اللي والفجر ما يرمى ضي إلا ف عيون السلاح

يا مصر غيرك ما ليش وقبل حبك ما فيش وبعد حبك ما فيش انتى الدوا.. والجراح

أشوف عيونك أسمًى وف غنوتك أنسى همّى وبكلمه .. أديكي دمي

#### ما اندم في يوم ع اللي راح

يا مصر لمى الولاد من طول وعرض البلاد خلّى الإدين ع الزناد خين يطل الصباح

الراوى: ومشى الرفاق ع الدرب، القلب بيشد الوتر ع القلب.. والغنوه واحده ف كل فم.. الإسم عبد العال.. الإسم فوق الصوارى علم.. فيك الكلام ابتدا.. لكن ما جاش الختام.. طول ما الكلام عن مصر.. ورجال بتحلم بمصر.. وتموت فذاها عشان تتحقق الأحلام.. حيطُول ويحلا الكلام.. حيطُول ويحلا الكلام!

# عبد العال حلمي (٢)

الراوى: فتحت كتابها وقالتلى: لو كنت قاصد طريقى.. إقرا صحايف كتابى.. تلقى التاريخ الحقيقى.. طول عمرى قلبى دليلى.. أحس باللى بايعنى.. واحس باللى شارينى.. واحس باللى شارينى.. واحس باللى واخدنى للنار، وباللى حامينى.. أبص فى عيون ولادى.. أعرفك مين عدولى.. وأعرفك مين صديقى.. مين اللى عايش بيحلم، بفجرى وبنور صباحى.. ومين مسدد سهامه، ع الشمس ساعة شروقى.. كان النديم من ولادى.. وعرابى كان من ولادى، وحلمى كان من ولادى.. وعرابى كان من عنادى.. حطوا القلوب ع الأيادى.. وجانى صوتهم ينادى.. أموت وتسلم بلادى.

كورس: قالوا الكلام يحلا في سيرة الأبطال.

الراوى: قلت الكلام أحلافي ذكرى عبد العال.

كورس: احكيلنا با راوى. الراوى: المعنى بالغنوه والموال. الراوى: يحكيلكوا صوت المغنى بالغنوه والموال. المغنى: كلام كتير ينقال في ذكرى عبد العال

في ذكري عبد العال يوم مرّ حضرة الأجنبي بسياره ما همه مين اللي ماشي ف عطفه أو حاره مرّ وقتل.. تحت العجل جندى من الأبطال إخوانه يوم شالوه وعلى الكتاف رفعوه وعلى الخديوى خدوه دمه أمانه.. وتار اللي قُتل طلقوه واللي انقتل سجنوه لحظة ما شاف اللي جرى سطر بإيده مذكره بتقول لباشا القصر ما نتش حتسجن مصر ما نتش حتقتل مصر واللي انقتل تحت العَجَل محال يضيع دمه هدر

الكورس: أمّال كان فين محمود سامى
مش كان مسئول الجهاديه؟!

المغنى: احتج وساب الديوانيه
ولا عادش وزير الجهاديه
وقف وقال
من المحال
أشوف جنودى فى السجون يتسلسلوا
وإيه أكون
لو سبتهم جوا السجون

الراوى: الثوره عاشت كالأدان في الشوارع.. والنار علت كالموج في قلب العواصف.. والباشا متلفع بدرع الخُوف.. وجنبه واقف جناب قنصل بريطانيا.. بيطمنه بالحراب.. ويشق بيه الصفوف.. يوم شار عليه ينزل إلى الثكنات.. ويحذر الآلايات.. من اللي ناوى عليه عرابي، ورفاقه.

طاوعُه الخديوى وطلع للقلعه يتحضَّر، ويولف الحكايات، اللي حينزل بيها للعسكر.. وساعتها صقر الجبال، في شخص عبد العال.. انقض ع الباشا، ولخبَط الحسابات.. حاصر جناب الخديوى، ورجاله في القلعه.. ولا فك يومها الحصار. إلا اما خلَّى الباشا والسمسار.. يرجع كما الفار

جحره في سراى عابدين . . والجيش طلع ع الميدان . . وكان يومها اللي كان . . وف وقفتك ، يا عرابي . . وطلعتك ع الحصان . . كانت بداية الثوره ، والعصيان .

المعنى: يا ساده يا كرام

قبل اتصال الكلام نبعت تحيه وسلام لزعيمنا عبد العال

كورس: ألفين تحيه وسلام . . لزعيمنا عبد العال .

المغنى: ليلة ما نادى وقال خلع الخديوى حلال والعرش دا ينشال ومصرى يحكم مصر

المصرى بيها أحق والجمهوريه حق مين اللي حيقول لأ لو يوم هدمنا القصر

الراوى: كان التاريخ يومها حيتغير . . لا كان عرابى انكسر . . و الفجر كان عدَّى بحور الخطر . و الفجر كان عدَّى بحور الخطر . و يوم ما صوب الانجليز المدافع . . قال القناه تتردم لكنه قلبه

انخلع . . لما عرابي بالوعود اتخدع .

كورس: سلطان ورجالته.. كانوا إيد مع الثوره.. وإيد على الخنجر. الراوى: ويوم ما عبد العال.. نادى بخلع الخديوى.. سلطان ورجالته أول من استنكر.. ويوم ما عبد العال أمر بردم القنال.

كورس: سلطان وقف حذر.. سلطان وأعوانه خلوا الخطوه تتعثر.. ويوم ما داهم الانجليز القناه.. سلطان ورجالته كانوا عين على الثوره.. وف ضهرها الخنجر.. أعوانه خانم عرابى.. وكانوا دليل الانجليز والقصر.

المغنى: مش كل من شالوا السلاح فرسان فيه وسطنا المخلص ووسطنا الخوان واللى بيتجسس ويعاون السلطان

إللى عرف يا عم
كيف الدينار يتلم
من غير تعب أو هم
عمره ما يدى لأرضه نقطه دم
ولا يدًى يوم غير عضة التعبان
مش كل من شالوا السلاح فرسان

على الطريق يابا فيه خطوه غلابه وخطوه كدابه تتمنى لو تبقى الجناين، غابه علشان ما يبقى وحشها السعران مش كل من شالوا السلاح فرسان

الراوى: كان حلمى ضهر الثوره فى دمياط.. ويوم ما جاله الخبر.. عرابى جيشه انكسر.. كتم الخبر لم قاله للعسكر.. والشعب عاش يقرا عن سيرتك يا عبد العال.. ومنك اتعلم كيف السلاح يتشال.. وكيف يكون النضال.. وكيف يكون النضال.. وكيف يكون العشق للثوره.

مصطفى كامل

الراوى: مشت فى المدينه الليالى الخزينه.. ناطقه ف عيون الناس..
والدنيا رغم اتساعها.. أشبه بزنزانه.. والصمت عشش فى
المشوارع، فاقد الأنفاس.. الناس تروح على فين؟!..
السبعن والجلاد، وسيف حراس.. ولا فيش طريق تانى..
ليل الوطن قضبان.. وضلمه طالعه ع السكك جدران،
وصوت سبجان.. يتلفع الإنسان بشال القهر.. يمشى
الخطاوى الضباب.. ويعايش الأحزان.. مصر اللى عاشت
جنة الإنسان.. زاحف عليها الخراب.. اتفرقوا الفرسان
على السكه.. أحمد عرابي اتنفى.. وصوت (نديمه)
اختفى.. وانفضت العركه بسيف مكسور.. وباشا، بيمنح
البركه لجلادها، ويقفل كل طاقة نور.. بات الطريق
مرصوف بخوف.. بيفرق الصفوف.. والحق أخرس فوق

ضفاف النيل.. والحق مين يقدر يفك عقدة لسانه؟! كورس: بهيه تعرف العشاق.. وتعرف مين على بابها عشق واشتاق.. ومين يقدر يخلصها.. ويبقى للجراح ترياق.

كورس: بهيه يا ساده .. حبَّاله والأده.. بهيه يسقط بين إيديها علم، ترفع علم.. وف شدة العتمه.. صَحَّى الحياه والنغم.. صوت مصطفى كامل.. صوت اللسان اللى قاد الصمت.. وولع الكلمه.

كورس: قالوا عليه المتيم.. قالوا اللى ضيع حياته.. فى حب طلعة بهيه بهيه.. قالوا رفيقة شبابه.. هي صحايف كتابه.. هي العلم، والقضيه.

المغنى: تصحى ف مصر الكلمه النور

ترجع تاني وتملا الدور

واللي يعادي

مصر..بلادى

عمر عينيه ما تشوف النور

الكورس: كان لفحة النار اللي عاشت بتنذر.. وصِرخه بتصحی بكره.

مصطفى: أنا كنت صوت الشهيد والقضيه

وكنت صوت دنشواى الجريحه وكنت صوت الرعود اللي جايّه

المغنى: دنشواى

يا صوت أنين الناى يا دم هز المشانق دمنك رفعته بيارق دنشواى يا جرح صاحى ف غناى جرحك عيون البنادق جرحك حفرته خنادق . دنشوای ناديتها لبت نداى سهران على السكه جاى آخد بتار دنشوای مصطفى: لكن يا أبنائي يوم ما ناديت بالجلاء الشعب ردد ندايا وزى ما شئت.. شاء وكل دا مش كفايه حبر القلم والدوايه من غير رعود السلاح ما يجيبش يوم الجلاء المغنى: خلوا الرصاص في الكلام ينطق خلوا الكلام في الرصاص ينطق

يوم ما السيوف تاخد الحروف في حضنها الحرف ينزل ع العدو.. يحرق

الراوى: البدرشق الغمام. والشعله قادت فى السما أيام.. ورمت لهيبها فى عيون البشر.. شرخت جدار الصمت.. ومن الشقوق طلّ الكلام وانتشر.. بيقول حذاريا مصر.. ماهش كفايه الحماس. الكلمه يشعلها لهيب الرصاص.. واللى ارتموا.. واحتموا، براية الأجنبي.. همّا سبب دائك.. أرضك لأبنائك.. خيرك لأبنائك.. وحذار.. حذار يا مصر.. م اللى يمد الإيد لأعدائك.

دنشواي

الراوى: من غير ما يعرف قد إيه البؤس عشش فى الغيطان.. وعلى الشجر،. ورسم خياله ع البيوت، صبّار، وجمرة نار.. ورعشة جرح فى قلب الصبى.. من غير ما يعرف يا بهيه قد إيه كنتى كسيرة القلب.. مكسورة الجناح؟.. من غير ما يعرف قد إيه كان الخطر.. طار الحمام.. وسبح فى أحضان السما.. واخد فى حضنه الشمس فى عز الضحى.

كنا يومها ف دنشواى.. ساعة ما كان القهر شلال الشّقا.. وبندقيه ومشنقه.. طارت رصاصة القهر فى قلب الحمام.. طاشت وصابت صبيه.. والجرح صار بندقيه.. بتلاحق القاتل.. لكنّه، من قبل الإيدين ما تحصّله.. كان مات بضربة شمس.

وقامت القيامه.. صبح القتيل قاتل.. ولسه دم الصبيه ع

البندقيه، علامه.. مين ينتصر لك يومها يا دنشواى؟ اومين يداوى الآهات الجريحه فوق شفايف الناى؟ مين اللي ينطق في ساعة الشده في ساعة الشده كلمة حق؟ مين اللي ينطق في ساعة الشده كلمة حق؟!

#### المعنى: زهران

یا زین شباب البلد
الحق قدام عینیك، وسط المیدان انجلد
ما هزتك بنادق
ما هزتك مشانق
ما هز قلبك سیوف الجلادین.. والشنق
ومشیت یا زین الرجال
والحلق موج المیدان
مامتك رافعها لفوق
والحلق موج المیدان
ومشیت.. یا زهران
والحلق موج المیدان

الراوى: ومشيت يا زهران، والخلق موج الميدان، وعينيك بتسأل بهيه.. مين اللي بات مشنوق؟؟ الجلادين.. زهران.. والا أمل بكره.. والا حبال المشانق.. كانت في صوت زهران.. حبلانه بالثوره؟؟

# محمدفريد

الراوى: صحيتنا من ٧٠سنه . . واديت لجيلنا الدرس . . عرفت جيلنا ان الكفاح طريقين . . واحد بيصنع م الرجال تجار . يدوا ياخدوا ولا يدوش ، والتاني يصنع م الرجال ثوار . . يدوا ولا يخدوش . . مين غيرك اللي يردّع السمسار في سوق السياسه . . من غيرك اللي يصند من باع الحماسه بالوعود والمال . . مين غيرك اللي يقول لصناع الكفاح في السيارات والمال . . مين غيرك اللي يقول لصناع الكفاح في السيارات والفيلا والتكييف . . إنّ الكفاح جروح ، ودم ، وشقا . . وساعات يكون تمن الكفاح مشنقه ، طعم الكفاح في لقمة الفقرا . . وف كلمه تعرف مين . . في الشعب يقدر بصنع الثورات . . مين غير محمد فريد . . يرد عنك يا مصر . . الشهيد . . يوم قلت تحرم جلسة الصالونات . . والشعر لو الشهيد . . يوم قلت تحرم جلسة الصالونات . . والشعر لو

غناش بصوت الناس. يموت من قبل ما ينطق. والنوره من غير جموع مسيرها يوم تغرق. وعشان كده. كنت أول من لمح فين السطريق. ومين من الخساليق هبوا أمل بكره. حضنت بيدك إيدين الشقيانين في الأرض. وسواعد العمال. وقلت عمر النضال ما يصد زحف الديابه. إلا ان لمّت ألوف الجموع النقابه.

اللغنى: النجمه طلت م السما على الحوارى المعتمه شافت ألوف متنظمه حاضنه المصانع

قامت ولمنت شملها المطرقه في يدَّها والثوره جمره ف دمها ماليه الشوارع

زرعت لهيبها في السما قاد الليالي المظلمه وقال يا مصر بالدما نرد اللي ضايع

الراوى: يوم كنت في بروكسل بتقيد شموع القضيه . . وتصحّى في .

العالم ضمير ميت. وبتدًى من دمك ومن مالك. القصر كان بيحضر الأتباع. علشان يشلوا خطاك. وعشان ما يطفوا شرارة نار بتزرعها. قالوا فريد بيحرض الشعرا. عشان يهاجموا نخاسين القصر. والأمرا. وعرف محمد فريد. كيف تقدر القوانين. تهدر دما الفقرا. وتسوى بين النور وبين الزور. حطوا ف إيدين الزعيم السلاسل. ورموه لليل السجن والسجان. قطع الزعيم الطريق الضلمه لنهايته. قاله مدير السجن:

- ليه انت ماشى في الطريق الصعب؟
  - قاله طريق الشعب.

### قاله مدير السجن:

- العفو أهو ن لك من القضباذ.
- قاله المبادئ تهون غربة المسجون، وترعش خنجر السجان.

جاله رسول الخديوى وف إيديه العفو، لو يطلب.. قاله طلب مستحيل.. ولا حد له الحق يطلب عن لسانى العفو.. لو حتى كان من أمير.

المغنى: حاربوا المبادئ بنار

طلعت عليهم نهار حاوطوها بالسجان طلعت من القضبان

بنوا عليها القلاع طلت تمد الشعاع حطوها في الزنازين لقوها في اليادين حطوا ف إيديها السلاسل طلعت تفرع سنابل شدوا عليها الحصار ملت البلاد ثوار ملت البلاد ثوار لقوها وسط المزارع لقوها وسط المزارع لقوها وسط المزارع لقوها وسط الموانع لقوها وسط المصانع لقوها في كل دار

الراوى: خرج الزعيم من قبضة السجان.. حواليه قلوب الناس شموع الطريق.. بتشق سكه للحياه النور.. وبين إيديه اتولد حلم الإيدين السمر.. في الغيط وفي المصنع.. اتهز في إيدين الانجليز الصولجان.. واترج عرش الملوك.. قالوا محمد فريد بيحرض العمال.. وحضروا الحكمه والقاضي والشاهد.. شاف الزعيم القيود الحديد.. والسجن فاتج ببانه للزعيم من جديد.. صحي، وقبل الأدان ما يصحي نور الفجر.. كان الزعيم ع السفينه اللي واخده الخطوه للشط البعيد.

وعاش محمد فريد.، في الغربه يكتب لمصر.. في الغربه يهتف بمصر.. ويوم ما حاصره المرض في غرفته المعتمه.. ودق بابه الموت.. كانت بترعش قلبه كلمة مصر في الغربه.. ويجيله صوت من بعيد.. بيقول محمد فريد.. عايش في نبض الشعب.. عايش في نبض الشعب.

## ثورة ۱۹ (۱)

الراوى: الثوره مش مكلمه.. ولا صنع ناس متنعّمه ومرتاحه.. ولا صنع من عاشوا الحياه بالراحه.. ولا عمرها بتنزل هبه من السما.. الأصل فيها الشعب.. هوّا النشيد والدما.. هوّا السما.. الأصل فيها الشعب.. هوّا النشيد والدما.. هوّا اللي تولد ثورته الزعما.. ارفع إيديك عن ثورة الفقرا.. دى مصر تكره ريحة الأمرا.. والانجليز والقصر.. ويوم ما قام الشعب بالثوره.. اختار لها فلاح.. لم كان أبوه عمده.. كان يلبس الطربوش.. كما يلبس اللبده.. عرف القعاد ع الحصير.. واتمد في الكتاتيب.. وداق عصا التأديب.. ما اختارش عدلي وصدقي.. ما اختارش واحد من ملوك العصر.. ما اختارش واحد من ملوك العصر.. ما اختارش واحد من مطايا الانجليز والقصر.. اختار بنفسه الزعيم.. تلميذ في قهوة متاتيا.. و في لثورة عرابي.. ورفيق كفاحه النديم.

الراوى: الانجليز قالوا عرابى عاد.. الوش فلاحى.. والكلمه نفس العناد.. وزى وقفة عرابى فى ميدان عابدين.. حطّمت هيبة القصر.. وناديت بالاستقلال، وبالدستور.. وقفت وراك ملايين.. شاوروا عليك بالإسم.. وفوضوك بكتاب خطوه بدم.. لسعت إيدين الانجليز النيران.. مصر الحمايه حاتفلت من إيدين العنكبوت.. قبضوا عليك يا سعد.. ونفوك على مالطه.

المغنى: قولوا لعين الشمس.. ما تحماشى ألا غزال البر صابح ماشى

قولوا لعين الشمس الضلمه صوت الهمس واللي جرا بالأمس.. ما يجراشي

یا عاشقین الضی الضی فات الحی الضی فات الحی واللی عشق نوره ما یتوصاشی

قولوا لغریب الدار البر قاید نار والبر قاید نار والظلم فوق الحق ما یعلاشی

الراوى: واتفجرى يا مصر ضد المعتدى كاللغم. الدم يصنع غنوة الحريد. والشمس ما تطلع بغير الدم. الاسم كان نجم ساطع. والنجم سعد الطوالع. الثوره لم فاتت زقاق ولاحى. الثوره لم فاتت زقاق ولاحى. الثوره كانت ثورة الشارع. كانت أدان الجوامع. ورنة الأجراس في حضن الكنايس. طاشت في إيد الانجليز البنادق. ساعة ما شافوا ابن مصر. صبح رصاصه ، بندقيه وخنادق.

المغنى: علمنى صوت الشعب كيف انطق وأتكلم علمنى سيف الشعب كيف أحكم ولا اتحكم والله المحكم والله المحلم الناس واللي سلاحه الناس والمطرقه والفاس ما تترعش كلمته ولا عمرها تسلم

الراوى: وعُدت يا سعد للأرض اللي حبلت بيك .. وعرفت كيف الزعيم، الشعب يبقى القلعه والمتاريس. وعرفت كيف الزعيم، تحميه كتاف الشعب. تحميه دما الشهدا .. وعرفت يومها الشمس، شعاعها جيّ منين. وف حضن مين يا سعد تلقى الدفا . لقيت حصنك في حضن الشعب . سلمت له المركبه والقلع . والدفه،

## شورة ۱۹ (۲)

الراوى: الفرز لما ابتدى.. خد سعد فى جانب، وف صوته صوت الانجليز الشعب.. وعدلى فى جانب.. وف صوته صوت الانجليز والقصر.. كان سعد الاستقلال، وصوت الفلاحين بالفاس، والفقرا والحافيين.. وعدلى كان جلاد.. يضرب بسيف الاسياد.. إيد الفقير اللى عاشت تطعمه بالزاد.. إيد اللى سماهم رعاع.. إزاى رعاع البلد راح تحكم الباشوات.. وتحارب الخواجات.. وازاى يقوم دستور يجيب الأجرا والفقرا.. م الأرض والسخره.. يتكلموا باسم مصر.. وازاى يقاطعوا لجنة الخواجات.. وازاى عزيز الانجليز وازاى يعود من غير ما تحصد إيديه.. حتى الفتات.. ما عرف يكلم حد.. يسأل يجيله الرد.. واحد فى كل مكان.. اسأل زعيمنا سعد.. اسأل زعيمنا سعد.

المغنى: الحى ابن اللي مات

والجى ابن اللى فات وتقول لنا الحكايات كيف رد شعبك يا مصر على لجنة الخواجات

یا شاب کیف اقدر

أروح على البندر؟

يا خواجه اسأل سعد

یا عم یا فلاح یا هلتری مرتاح؟

يا خواجه اسأِل سعد

يا تاجر التجار إيه آخر الأخبار؟

يا خواجه اسأل سعد

يا عم يا غنّام في اليوم بتاخد كام؟

يا خواجه اسأل سعد

يا شايل الأحمال كيف الحياه يا خال؟

يا خواجه اسأل سعد الراوى: راح عدلى لاجلن ما يتفاوض مع الأسياد. . الشعب قال

جورج الملك قاعد يفاوض جورج.. وتقيدى يا شمس الضحى.. صوت مصر فى الحلق والع.. يلهب ضهور البرادع.. بالدم والثوره.. دم الشهيد فى الشوارع.. عمال بيكتب فى تاريخ بكره.. وغمست يا سعد منديلك فى دم الشهيد.. ورفعته فوق السواعد علّم، وقلت دمه على راسك يا عدلى سيف.. والحد بين النور وبين الزيف.

المغنى: طول ما الشجره بتطرح ضلّه طول ما كفوفك غيط الغله طعم الموت على أرضك يحلا للجل تعيش مصر الحريه

طول ما النيل بيجود ويوافى طول ما عنيكى الحضن الدافى أقدر أطول السما بكتافى وأقتل ضل الخوف فى عنيه لاجل تعيش مصر الحريه

كل ما اشوف الكون في عنيكي ألقى الفقرا شموع لياليكي دم الفقرا العايش فيكي هو نشيد أيامنا الجايه

#### لاجل تعيش مصر الحريه

الراوى: الثوره لفّت على كتاف الزعيم البلاد.. لفت ما فاتت مكان، من غير ما تزرع في حشاه النيران.. واتعمدت بالدم.. في أسيوط.. كانت ألوف الألوف في انتظار الزعيم.. يلهب حماس المدينه وتشد أزره الجموع.. ولما هلت على الشواطى السفينه.. طلعت نيران الحمايه.. وانهال رصاص الاحتلال وعساكر الخونه.. وسعد واقف على ضهر السفينه جبل.. والشعب طول عمره التاريخ والبطل.. وقت اندفع في الميه يم السفينه م البشر أمواج.. تسبح ورا أمواج.. تحمى سفينة سعد بالأجساد.

طوف يا تاريخ بالبلاد .. واحكى التاريخ الحق.. واكتب فى كل سطورك الجايّه .. ملعونه كلمة آه .. لو نخشى كلمة لأ .. لسه ما عاش اللى يحكم مصر بالكرباج .. ولا عمر شعبك يا مصر .. يوم ينحنى للقهر .. ولا لعصا الزعما .. الشعب هوا البدايه .. والشعب هوا النهايه .. وصاحب الكلمه .. وهوا بس اللى دمه يولد الزعما .

## القمص سرجيوس

الراوى: العقد ليه انفرط؟.. ومصر ليه واحده الطريق الغلط.. الفتنه بين المسلمين والقبط.. طول عمرها لعبة مغامر غبى.. مزقوق من الأجنبى.

زمان. لعبها الانجليز والقصر. ولسه لعبة زمان، شباكها منصوبه ف سماكى يا مصر. الحرب ما تفرق ما بين مسلم . وبين قبطى . والحب بيجمع ما بين الاتنين.

المغنى: حب الوطن م العباده

وف حبه تحلا الصلاه ومصر أم الجميع أم الكبير والرضيع نضال وثوره.. وحياه مدى الإيدين يا مصر

زحف الخطاوى ابتدا قومى . . ولبى الندا . .

الراوى: قومى يا مصر اهتفى بمصر الاستقلال.. قومى يا مصر اهتفى بحياة زعيمك سعد.. يوم الانجليز شدوه ورا القضبان.. قامت فى مصر القيامه.. وقمت يا سرجيوس.. بصوت يعشش فى القلوب والنفوس. وبطول علالى الجبال.. رسمت بين الجموع صليب بيحضن هلال.. ومشيت على راس المظاهرة علم.. وكنت بين كل الحشود النشيد.. وقضيت شهور واپام.. فى الجامع الأزهر.. تخطب بقوه وحماس.. لمصر والثوره.. نزل كلامك على قلب العدو جمره.. ولاجل مصر الوطن.. عرفت ليل قلب العدو جمره.. ولاجل مصر الوطن.. عرفت ليل الاعتقال.. والعتمه فى الزنازين.. ويوم ما فك الشعب عن إيد الزعيم السلاسل.. كنت انت أول من خدك بالحضن.

المغيى: صوتك رفعته ع المساجد صليب

صوتك رفعته ع الكنايس هلال قلت لولادنا . وكل أهل بلدنا جرس الكنيسة . . يبقى جنب المدنه يحضن صداه فى السما صوت بلال قلت العدو لو حط رجله فى بيتنا يلعب على حبل الخداع والفتنه يعنى نور الحق يبقى ضلال

صوتك رفعته ع المساجد صليب صوتك رفعته ع الكنايس هلال صوتك رفعته ع الكنايس هلال الراوى: أبونا قال كلمته قبل الزمان.. بزمان.. قال الإيمان بالوطن

هو الطريق اللي بيوحد ما بين الاديان.. في يمينك القرآن.. في يمينك القرآن.. في يمينك الإنجيل.. الأصل في الحب مصر.. الأصل حبك يا

نيل.

ســيد درويـش

### الراوى: غنيلنا. إملانا قُدره وحماسه. انبش بلحنك

تماريخسا. ساعات نغم ع الربابه يفوق كتاب فى السياسه .غنيلنا . رمنم شروخنا . ساعات آهات المغنى تبقى مخاض الولاده . ساعات نايات المغنى يسبق نغمها المعارك . . ويخطى حلم القياده .

غنى يا شيخ سيد.. دخّلنا محراب فنونك نسجد سجود المتيم.. يا اللي جعلت الغُنا في مصر زي العباده.

المغنى: أنا المصرى . . كريم العنصرين بنيت المجد فوق الأهرامين جدودى أنشأوا العلم العجيب ومجرى النيل . . في الوادى الخصيب

لهم في الدنيا آلاف السنين

ويفنى الكون وهما موجودين(\*)

الراوى: غنى يا شيخ سيد.. يا اللى أخدت النغم من دمعه سياله.. وأيادى شغاله.. وعرق جبين طالع على السقاله..

يا اللى أخدت الغنا من زقزقة عصفور.. من غنوة الطنبور.. من باعه جواله.. يا اللى أخدت الغنا من لوعة الفقرا.. من أرضنا السمره.. غيرك يا شيخ سيد.. قام غنى للأمرا.. وانت اللى خدت بغناك إيد الصنايعيه.

المغنى: الحلوه دى قامت تعجن في البدريه

والديك بيدن كوكو كوكو في الفجريه ياللا بنا على باب الله يا صنايعيه يجعل صباحك صباح الخير يا اسطى عطيه

طلع النهار فتاح يا عليم

والجيب ما فيهش ولا مليم

مين اليومين دول شاف تلطيم

زى الصنايعيه المظاليم

الصبر أمره طال . . وايش بعد وقف الحال

يا اللي معاك المال .. برضه الفقير له رب كريم (\*)

الراوى: غنى يا شيخ سيد.. يا لحن إنسانى.. انساب فى وجدانى كما الراوى: غنى يا شيخ سيد.. يا وصحانى على جراح الفقير.

شيخ سيد: اشحالكوا.. اشحال غناكو..

كورس: عايشين بصوتك معانا

شيخ سيد: قولوا لمن غنى بعدى . . مصر ف إديكم أمانه

أنا ابتدیت وانتوا بعدی غنوا. . لمصر الکنانه بارکوا بغناکو الصباح . . اللی یجیبه السلاح بارکوا بغناکو المکن . . من صنع ابن الوطن بارکوا بغناکو المکن . . من صنع ابن الوطن بارکوا بغناکو سنابل . . رموشها زی السهام فی الشده تقدر تقاتل . . وتبقی نور الکلام

كورس: والله.. يا شيخ سيد.. فيه اللي خان الأمانه.. واللي لا زال ع الطريق.. وأدحنا عايشين نقاتل.. صوت الأغاني الخيانه.

شيخ سيد: صوت الأغاني الخيانه؟!

كورس: أيوه با شيخ سيد .. مصر اللى غنيت عشانها . . عايشه فقيره وجعانه . . وعند سفح الهرم . . عايش فتات النغم . . يفوح بريحة النتانه .

شيخ سيد: يا رايحين . . يكفيكوا شر الخطا الجايين . . هوا الغنا يبقى غُنا . . إن لم طلع من صرخة الجعانين . .

إن لم بقى صوت العرق والطين

الشيالين. .هيه

والبنايين. .هيه

والحدادين..هيه

وعرق صنايعيه عايشين . . ومش عايشين .

كورس: دلوقت كل الغناع السكه بيهاتي. . والكل واخد معاه الفن للواطي.

المغنى: عشان ما نعلا.. ونعلا.. ونعلا

لازم نطاطى . . نطاطى ( \* )

كورس: لكن يا شيخ سيد . . مش كل خطوات النغم ضلمه . . اللحن

والكلمه. كانت لهم أيام . . يوم كنا بنحارب . . يوم كنا قايمين بنبنى . . كان للوطن فى كل قلب مكان . . يومها النغم قايمين بنبنى يتكلم . . ومنك اتعلم . . كيف النغم يصبح وصاص . . كيف النغم يصبح رصاص . . كيف النغم يقدر . . يفتح طريق الخلاص .

المغنى: قوم يا مصرى مصر دايماً بتناديك

خذ بنصری، نصری دین واجب علیك شفت أی بلاد یا مصری فی الجمال تیجی زی بلادك اللی ترابها مال

كورس: وادينا في بلادنا

برغم غربتنا

بنقول يا شيخ سيد للدنيا كلمة حق.

شيخ سيد: قولوا ولا تخافوا

واللى يشيل حمله على كتافه

يصبر ويتحمل..

وبكره مصر العشق والثوره

ترجع لكم أجمل من الأول..

قولوا ولا تخافوا.. دوسوا الكلام الهمس

وفكرواف بكره

وخلواع الفكره

اللي جرى بالأمس

طول عمر جرحك يا أمي

دم الفقير يداويه

واللى شعاع الكلمه ما يدفيه صوت السلاح هوا اللى بيصحيه

كورس: حنقول يا شيخ سيد.. ونشيل على كتافنا.. ونقول لن شافنا.. إحنا بغناك عايشين.. وزى ما الثوره عاشت فى حياتك نغم.. حنخلى غنوتنا لمصر النشيد والعلم.. لحد ما تعود مصر.. كما فجر بيشقشق.. كما شمس بتدفى.. ونعود لها سالمن.

الغنى: سالمه يا سلامه . . رحنا وجينا بالسلامه . .

صفر یا وابور واربط عندك نزلنی فی البلد دی بلا أمریكا بلا أروبا

ما فی شیء أحسن من بلدی والمركب اللی بتجیب أحسن م اللی بتودی یا أسطی بشندی(\*)

الراوى: فينك يا شيخ سيد. لا زال غناك ع البال. ما زال غناك موال لكل الشغالين. أنغامه بتنقط عرق. أنغامه بتخلّى الحروف تنطق على سطور الورق. يوم ان حضن عودك ثورة ١٩ . . طلع النغم م العود كما البركان. بيقول لكل الناس ما فيش أوطان تعيش عاله. . والا تعيش ع الفتات. غلل إيدنا نسأل الخواجات. نسأل ما تدينا. لسه غناك بيقول لكل الناس . العزه في اللي بتصنعه ايدينا.

المغنى: مليحه جوى القلل القناوى رخيصه جوى القلل القناوى جرب حدانا وخد قلتين

خساره قرشك وحياه ولادك ع اللى ما هوشى من طين بلادك قوللى . . حتلقى زى دى فين

الدنیا ما لها یا زعبلاوی.. شقلبوا حالها وین المداوی شوفوا البلاوی.. دا البنك ناوی.. یرفع دعاوی عشان یتاوی

فلوسنا واحنا متقندلين(\*)

الراوى: وما كانش. بالصدفه .. تتمد أحلامك. . تحضن إيدين العرقانين. . تحضن بأنغامك. . صوت المكن والآلات. . ما كانش لسه اتولد حلم الصنايعيه .. في الآله والمصنع .. أيامها كانوا الفلاحين لسه عبيد الأرض .. وابن البلد في المدينه سيّد الحرفه .. أيامها كل اللي غني .. غنى للبشاوات .. وكنت وحدك بس صوت الاسطوات .. لكل طايفه لغه .. ولكل حرفه نغم . . ما نسيتش تحلم حتى حلم الشيالين ..

المغنى: شد الحزام على وسطك غيره ما يفيدك لا بد عن يوم برضه ويعدلها سيدك وان كان شيل الحمول على ضهرك يكيدك

أهون عليك يا حر من مُدّة إِيدك(\*) الراوى: طول ما انت عايش في حياة البشر

نغم وثوره وفجر
م المستحيل مصرك يصيبها شر
السه غناك ع المدنه بيكبر
السه غناك في مصر . . نهر النيل
السه غناك في بندق العسكر
في دم كل شهيد
السه غناك عايش في ثورة شعب
دلوقت بس

وأنا باقلب في تاريخ فنك

ما عدت يوم احتار

وعرفت ليه الأجنبى السمسار.. كان عينه دايماً عليك.. ما كانش همه بس ينفى سعد.. ويشرد الخاليق.. كان همه يشنق في القلوب أغانيك.. غناك يا شيخ سيد.. ما كانش كلمه ونغم.. كان بندقيه وطلقه ضد المعتدى.

المعنى: تلوم عليه إزاى يا سيدنا وخير بلدنا ما هش فى إيدنا قوللى عن أشياء تفيدنا وبعدها ابقى لوم عليه (\*)

<sup>(\*)</sup> من أغانى فنان الشعب سيد درويش.

## ليستالنهاية

یا أول المشوار وصلنا لآخر المشوار وصلنا خد من حکایتنا شموع فی سکتنا وف خطوة النهایه حتبتدی الحکایه حکایتك یا بهیه للأیام اللی رایحه والأیام اللی رایحه

یا مصر ... یا بهیه .

شركة الأمل للطباعة والنشر (مورافيتلى سابقاً) ت:0904090 - 23952496

صوتك رفعته ع المساجد صليب قلت لولادنا.. وكل أهل بلدنا قلت لولادنا.. وكل أهل بلدنا جرس الكنيسه.. يبقى جنب المدنه يحضن صداه في السما صوت بلال قلت العدو لو حط رجله في بيتنا يلعب على حبل الخداع والفتنه ويخلى نور الحق يبقى ضلال صوتك رفعته ع المساجد صليب صوتك رفعته ع المساجد صليب صوتك رفعته ع الكنايس هلال



w.gocp.gov.eg

w.qatrelnada.com.eg

www.odabaaèlaqaleem.com

ww.althaqafahalgadidah.com.eg

مس سطبوعات مؤتم الحورة

2010

الحرافان